

গণপ্রজাতন্ত্রী বাংলাদেশ সরকার
জাতীয় রাজস্ব বোর্ড
রাজস্ব ভবন
সেগুনবাগিচা, ঢাকা

স্মারক নম্বর-০৮.০১.০০০০.০২১.০০৫.০০১.১৫- ৮৮

তারিখঃ ০৬ বৈশাখ, ১৪২৪ বঙ্গাব্দ
১৯ এপ্রিল, ২০১৭ খ্রিষ্টাব্দ

জাতীয় রাজস্ব বোর্ডের অধীন কর বিভাগ (১০ম ছেড হইতে ২০তম ছেড পর্যন্ত কর্মচারী) নিয়োগ বিধিমালা, ২০১৬ এর উদ্দেশ্য পূরণ কল্পে কর বিভাগের “অতিরিক্ত সহকারী কর কমিশনার ও কর পরিদর্শক” পদে পদোন্নতির জন্য বিভাগীয় পরীক্ষা অনুষ্ঠানের নিমিত্তে নিম্নরূপ নীতিমালা প্রণয়ন করা হইল।

১। শিরোনামঃ

- (১) এই নীতিমালা কর পরিদর্শক (জাতীয় রাজস্ব বোর্ডের অধীন কর বিভাগের) পদে পদোন্নতির জন্য বিভাগীয় পরীক্ষা নীতিমালা, ২০১৭ নামে অভিহিত হইবে।
- (২) এই নীতিমালা অবিলম্বে কার্যকর হইবে।

২। সংজ্ঞা- বিষয় বা প্রসঙ্গের পরিপন্থি কোন কিছু না থাকিলে, এই নীতিমালায়-

- (ক) “বোর্ড” বলিতে জাতীয় রাজস্ব বোর্ডকে বুঝাইবে;
- (খ) “একাডেমী” বলিতে বিসিএস (কর) একাডেমী, ঢাকাকে বুঝাইবে;
- (গ) “পরীক্ষা” বলিতে কর বিভাগ (১০ম ছেড হইতে ২০তম ছেড পর্যন্ত কর্মচারী) নিয়োগ বিধিমালা, ২০১৬ এর ১ নং তফসিলের ক্রমিক ১ এবং ৬ এর কলাম-৫ এ উল্লিখিত বিভাগীয় পরীক্ষা বুঝাইবে।
- (ঘ) “পরীক্ষার্থী” বলিতে পরীক্ষায় অংশ গ্রহণের জন্য যোগ্য নন-গেজেটেড ফিডার পদধারী উপযুক্ত কর্মচারীকে বুঝাইবে।
- (ঙ) “নিয়োগ বিধিমালা” বলিতে কর বিভাগ (১০ম ছেড হইতে ২০তম ছেড পর্যন্ত কর্মচারী) নিয়োগ বিধিমালা, ২০১৬ বুঝাইবে।

৩। নীতি প্রাধান্যঃ আপাতত : বলবৎ অন্য কোন নীতিমালা /সার্কুলার /অফিস আদেশ ইত্যাদিতে যাহা কিছুই থাকুক না কেন, এই নীতিমালা কার্যকর হইবে।

৪। পরীক্ষা গ্রহণঃ

- (ক) জাতীয় রাজস্ব বোর্ডের নির্দেশক্রমে বিসিএস (কর) একাডেমী পরীক্ষা গ্রহণ করিবে।
- (খ) বিসিএস (কর) একাডেমী পরীক্ষার্থীর সংখ্যা বিবেচনা করিয়া পরীক্ষার কেন্দ্র / স্থান নির্ধারণ করিবে।
- (গ) পরীক্ষা গ্রহণের অন্ততঃ ১৫ দিন পূর্বে কেন্দ্র, পরীক্ষার সময় ইত্যাদি সম্পর্কে বিসিএস (কর) একাডেমী পরীক্ষার্থীদের অবহিত করিবে।

৫। পরীক্ষায় অংশগ্রহণের যোগ্যতাঃ

- (ক) নিয়োগ বিধিমালার তফসিলের ক্রমিক নং-৬ এর কলাম ৫ এ বর্ণিত নন-গেজেটেড কর্মচারীগণ পরীক্ষায় অংশ গ্রহণের যোগ্য বলিয়া বিবেচিত হইবেন। তবে শর্ত থাকে যে, পরীক্ষার্থীকে চাকুরীতে স্থায়ী হইতে হইবে। এবং চাকুরী কমপক্ষে ৩ (তিনি) বছর পূর্ণ করিতে হইবে।
- (খ) কোন পরীক্ষার্থী ইচ্ছা করিলে একই সংগে ৪ টি বিষয়ে পরীক্ষায় অংশ গ্রহণ করিতে পারিবেন।

৬। দরখাস্ত আহবান :

- (ক) জাতীয় রাজস্ব বোর্ড যোগ্য প্রার্থীদের নিকট হইতে নির্ধারিত ফরমে ২ (দুই) কপি আবেদন গ্রহণ করিবেন ।
- (খ) জাতীয় রাজস্ব বোর্ড প্রাপ্ত আবেদনের ভিত্তিতে পরীক্ষার্থীদের চূড়ান্ত তালিকা প্রস্তুত করে প্রত্যেক পরীক্ষার্থীর ১ (এক) কপি আবেদন ফরম ও ১ (এক) কপি ছবি বিসিএস (কর) একাডেমীতে প্রেরণ করিবে ।
- (গ) নির্ধারিত তারিখের মধ্যে বোর্ডে আবেদন ফরম না পৌছাইলে সংশ্লিষ্ট কর্মচারী পরীক্ষায় অংশগ্রহণ করিতে পারিবেন না ।
- (ঘ) পরীক্ষার্থীগণ যথাযথ কর্তৃপক্ষের মাধ্যমে জাতীয় রাজস্ব বোর্ডে নির্ধারিত ফরমে আবেদন প্রেরণ করিবেন ।

৭। পরীক্ষার বিষয়সমূহ :

(ক) নিম্নলিখিত ০৪ (চার) টি বিষয়ের উপরে পরীক্ষা অনুষ্ঠিত হইবে:-

- (১) আইন প্রথম পত্র ;
- (২) আইন দ্বিতীয় পত্র ;
- (৩) বহিঃ রক্ষণ ও হিসাব এবং
- (৪) অফিস প্রণালী ।

(খ) ইতোপূর্বে যেসব প্রার্থী ০৪ টি বিষয়ে পরীক্ষায় অংশগ্রহণ করিয়া এক বা একাধিক বিষয়ে অকৃতকার্য হইয়াছে তাহারা নতুন সিলেবাস অনুযায়ী অকৃতকার্য বিষয়ে পরীক্ষায় অংশগ্রহণ করিবেন ।

(গ) জাতীয় রাজস্ব বোর্ড প্রত্যেক বিষয়ে সিলেবাস প্রণয়ন করিবে ।

(ঘ) প্রত্যেক বিষয়ের উপর ১০০ নম্বরের পরীক্ষা অনুষ্ঠিত হইবে । অর্থাৎ ৪ টি বিষয়ে মোট ৪০০ নম্বরের পরীক্ষা অনুষ্ঠিত হইবে ।


(ঙ) প্রত্যেক বিষয়ে পাস নম্বর হইবে উক্ত বিষয়ের মোট নম্বরের ৪০% নম্বর । কৃতকার্য হওয়ার জন্য প্রত্যেক বিষয়ে পৃথক ভাবে পাস নম্বর অর্জন করিতে হইবে ।

(চ) কোন পরীক্ষার্থী এক বা একাধিক বিষয়ে পাস নম্বর প্রাপ্ত হইলে দ্বিতীয়বার তাহাকে উক্ত বিষয়ে পরীক্ষা দিতে হইবে না ।

(ছ) কোন প্রার্থী এক বা একাধিকবার পরীক্ষায় অংশগ্রহণ করিয়া অকৃতকার্য হইলে এবং তাহার বয়স ৫৫ বছর উত্তীর্ণ হইলে তিনি আর উক্ত পরীক্ষাসমূহে অংশ গ্রহনের সুযোগ পাইবেন না ।

৮। রাহিতকরণ ও হেফাজত ৪

এই নীতিমালা জারি হইবার সাথে সাথে বিভাগীয় পরীক্ষা সংক্রান্ত পূর্বে জারিকৃত নীতিমালা / সার্কুলার / অফিস আদেশ বাতিল বলিয়া গণ্য হইবে। তবে উক্ত নীতিমালা /সার্কুলার /অফিস আদেশমূলে ইতোপূর্বে গৃহীত বিভাগীয় পরীক্ষায় উত্তীর্ণ পরীক্ষার্থীগণ এই নীতিমালার আওতায় গৃহীত বিভাগীয় পরীক্ষায় উত্তীর্ণ হইয়াছে বলিয়া গণ্য হইবে।



(মোঃ নজিবুর রহমান)

চেয়ারম্যান


জাতীয় রাজস্ব বোর্ড, ঢাকা

স্মারক নম্বর-০৮.০১.০০০০.০২১.০০৫.০০১.১৫-

তারিখঃ ০৬ বৈশাখ, ১৪২৪ বঙ্গাব্দ
১৯ এপ্রিল, ২০১৭ খ্রিষ্টাব্দ

অনুলিপি সদয় অবগতি ও প্রয়োজনীয় কার্যার্থে প্রেরণ করা হলোঃ-

১. সিনিয়র সচিব, অভ্যন্তরীণ সম্পদ বিভাগ, বাংলাদেশ সচিবালয়, ঢাকা।
২. সদস্য (কর প্রশাসন ও মানব সম্পদ ব্যবস্থাপনা/কর নীতি /কর আপীল ও অব্যাহতি/কর জরীপ ও পরিদর্শন/লিগ্যাল এন্ড এনফোর্সমেন্ট, কর/অডিট, ইন্টেলিজেন্স এন্ড ইনভেস্টিগেশন, কর/তথ্য ব্যবস্থাপনা সেবা/ইন্টারন্যাশনাল ট্যাক্সেস), জাতীয় রাজস্ব বোর্ড, ঢাকা।
৩. মহা-পরিচালক, সেন্ট্রাল ইন্টেলিজেন্স সেল, জাতীয় রাজস্ব বোর্ড, ঢাকা/ কর পরিদর্শন পরিদণ্ডন, ঢাকা/বিসিএস কর একাডেমী, ঢাকা।
৪. কর কমিশনার, কর অধ্যক্ষ- ১/২/৩/৪/৫/৬/৭/৮/৯/১০/১১/১২/১৩/১৪/১৫, ঢাকা।
৫. কর কমিশনার, কর অধ্যক্ষ-১/২/৩/৪, চট্টগ্রাম।
৬. কর কমিশনার, বৃহৎ করদাতা ইউনিট/কেন্দ্রীয় কর জরিপ অধ্যক্ষ, ঢাকা।
৭. কর কমিশনার, কর অধ্যক্ষ- রাজশাহী/খুলনা/সিলেট/বরিশাল/রংপুর/গাজীপুর/ময়মনসিংহ/নারায়ণগঞ্জ/বগুড়া/কুমিল্লা।
৮. কর কমিশনার (আপীল), কর আপীল অধ্যক্ষ-১/২/৩/৪, ঢাকা/খুলনা/চট্টগ্রাম/রাজশাহী।
৯. সিস্টেমস ম্যানেজার, জাতীয় রাজস্ব বোর্ড, ঢাকা (তাঁকে ওয়েবসাইটে আপলোড করার জন্য অনুরোধ করা হলো)।
১০. প্রথম সচিব, কর প্রশাসন/কর পরিবীক্ষণ ও প্রশিক্ষণ, জাতীয় রাজস্ব বোর্ড, ঢাকা।
১১. চেয়ারম্যান মহোদয়ের একান্ত সচিব, জাতীয় রাজস্ব বোর্ড, ঢাকা।



(এম ইদ্রিস সিদ্দিকী)

প্রথম সচিব (কর প্রশাসন)

midris1963@gmail.com